

Տ. ՎԱՐՈՒԺԱՆ ՔԱՀԱՆԱ ՏԵՐՏԵՐՅԱՆ

ԽՈՐԵՆ Ա ԿԱԹՈՂԻԿՈՍԻ ՕՐՈՋ ՄԱՅՐ ԱԹՈՒԻ ՀԱՐԱԲԵՐՈՒԹՅՈՒՆՆԵՐԸ ՀԱՅ ԵԿԵԼԵՑՈՒ ՆՎԻՐԱՊԵՏԱԿԱՆ ՄՅՈՒԽ ԱԹՈՒՆԵՐԻ ՀԵՏ

Խորեն Ա Կաթողիկոսի օրոջ եղբայրական սիրալիր ջերմ հարաբերություններ էին պահպանվում Մայր Աթոռ Ս. Էջմիածնի Ընդհանրական Հայրապետության և Հայ Եկեղեցու մվիրապետական մյուս Աթոռների միջև:

Նորին Սրբություն Տ. Խորեն Ա Կաթողիկոսի ամթաքույց սերն ու բացառիկ վերաբերմունքը հանդեպ Մեծի Տանն Կիլիկիո Կաթողիկոսությունն ու Երուսաղեմի և Կ. Պոլսի Պատրիարքությունները, բացահայտվում են ոչ միայն Հայրապետական գործունեության ուրվագիծը տվող ամդրամիկ կոնդակի, այլև պաշտոնական բազմաթիվ գրությունների մեջ: Խորեն Ա Կաթողիկոսի հարգանքն ու սերը հանդեպ մվիրապետական Աթոռները մկատելի է դեռևս իր եպիսկոպոսության շրջանի գործունեությունից իբրև տեղակալ Ամենայն Հայոց Կաթողիկոսի և մախազաճող Գերագույն Հոգևոր Խորհրդի:

Մեծի Տանն Կիլիկիո Կաթողիկոսություն

Մեծի Տանն Կիլիկիո Կաթողիկոս Տ. Սահակ Խապայանը, ապրելով առաջին համաշխարհային պատերազմի արհավիրքներն ու արևմտահայության կոտորածների դառնությունները՝ անբաժան լինելով իր ժողովրդի ճակատագրից, բռնում է տարագրության ճամփան: Հաստատվելով Երուսաղեմում, ապա Դամասկոսում՝ 1919 թ. իր հոտի հետ վերադառնում է Կիլիկիա, իր Աթոռը՝ Սիս: Վրա հասած 1920 թվականի վշտերն ու հուսախաբությունները, 15.000 մարաշցիների կոտորածը, Հաճնի պաշարումն ու հերոսամարտը, Սսի պարպումը, Այնթափի հերոսական ինքնապաշտպանությունը, կրկին ամգամ ստիպում են բազմաչարչար Սահակ Կաթողիկոսին՝ իր ձեռքն առնելու պանդխտության ցուպը: Տարագիր Կաթողիկոսն այս ամգամ հաստատվում է մախ Կիպրոսում և ապա՝ Հալեպում: Սահակ Խապայան Հայրապետը, մտահոգ Կիլիկյան տարագիր Աթոռի ապագայով ու թափառական ամհաստատ վիճակով, 1928 թվականի փետրվարին գրում է իր հայտնի «Կտակ»-ը՝ ուղղված Սիյունքի հայությանը: Ցավով ու վշտով լցված՝ բոլորին հաղորդակից է դարձնում իր ամօգնական, «ամհույս» և «ամույս» Աթոռի աստամողական թափառումներին: Կիլիկյան Աթոռի նույն մտահոգություններով էր այդ օրերին ապրում Ամենայն Հայոց Կաթողիկոս Գևորգ Ե-ն ու Մայր Աթոռը: Սիրիայի և Լիբանանի երուսաղեմապատկան վիճակները ամապաստան Կիլիկիո Կաթողիկոսությանը հաճախելու մպատակով Սահակ Հայրապետը դիմում է Գևորգ Ե Կաթողիկոսի բարեհաճությանը: Կիլիկյան Աթոռի թեմերի կազմակերպության այս հարցի մասին Ամենայն Հայոց Կաթողիկոսի տեղակալ Խորեն արքեպիսկոպոսը 1928 թ. դեկտեմբերի 25-ին մամակով Երուսաղեմի Ամենապատիվ Եղիշե Սրբազան Պատրիարքի գիտությանն է հաճախում շնորհագարդ Տ. Սահակ Կաթողիկոսի մտածումը:

«Սահակ Հայրապետի մտածումը հետևյալն էր. - գրում է խորեն արքեպիսկոպոսը, - Լիբանանի մեջ Կիլիկյան թեմերի կազմակերպության համար Կիլիկիո Կաթողիկոսը կարիքն ունի Երուսաղեմապատկան Բեյրութի մատուռի և Դամասկոսի եկեղեցու»։ Նույն մասնով տեղակալ սրբազանը Ամենապատիվ Պատրիարքիմ տեղեկացնում է մի քանի ազգայինների ցանկությունը ևս։ Նրանք էլ առաջարկում էին, որ ֆրանսիական հովանավորության տակ եղած Դամասկոսի, Բեյրութի և Լավոդիկիեի հոգևոր տեսչությունները իրենց եկեղեցիներով դրվեմ Կիլիկիո Կաթողիկոսի իրավասության մեջը։ 1929 թ. մարտի 28-ին Երուսաղեմի հայոց Պատրիարքի մախաբահությանը գումարված միաբանական ընդհանուր ժողովը, ընդառաջելով Էջմիածնի միջնորդությանը, միաձայն հավանությանը, որոշում է Սիրիայի երուսաղեմապատկան թեմերը փոխանցել Կիլիկիայի Կաթողիկոսությանը։ Այդ առիթով խորեն արքեպիսկոպոսը, համում Կաթողիկոսի, հետևյալ մասնակն է գրում Ս. Սահակ խապայան Հայրապետին.

«Գերագույն Հոգևոր Խորհուրդը պատիվ ունի հայտնելու, որ Նորին Վեհափառությունը ուրախ է, որ իր առաջարկը դրական լուծում է ստացել և Սյուրիո սաղիմական իրավունքները փոխանցվել են Կիլիկիո Կաթողիկոսությանը։

Գերագույն Հոգևոր Խորհուրդը ի սրտե ուրախ է, որ Կիլիկիո Աթոռի հոգևոր և մյութական պետքերը հոգալու համար Փարիզում կազմակերպվել է հանգանակիչ հանձնաժողով՝ Վսեմափայլ Պողոս Նուբար փաշայի գլխավորությամբ, ինչպես հաղորդում է տեղի հոգևոր հովիվ Գերապատիվ Ս. Վոանշապուհ եպիսկոպոսը, և հույս ունի, որ հաջորդ հանգանակությունը հնարավորություն կտա Աթոռիդ տնտեսականը ապահովելու, որ կլինի հիմք նաև ամրացման ու զորացման նորապալ ասպարեզների գործառնության համար։

Գերագույն Հոգևոր Խորհուրդը, հաճությամբ նշելով Ձեր տաժած անձնվիրությունն ու հավատարմությունն առ Ս. Եկեղեցին մեր և բարյացակամ, սրտայի և ակնածության մի վերաբերմունքը դեպի ազգիս Վեհափառ Հայրապետն ու Հայրապետությունը և փոխադարձաբար հաղորդելով Ամենայն Հայոց Հայրապետի սերը, համակրանքն ու վստահությունը առ Ձեզ, կատարելապես հավաստի է, որ նույն ուղին թարոյապես պարտադիր կկացուցանեք նաև Ձեր հաջորդներին։

Մաղթելով Ձեզ արեւատություն, քաջառողջություն և Քրիստոսավանդ համբերություն ինչպես ցալսոր արիությանը տանելու Ձեզ բաժին ընկած ծանր խաչը՝ հօգուտ Կիլիկիո վտարանդի և տառապալ Ձեր հոտին։

Որդիական ակնածանքով և եղբայրական սիրտ ողջուցնի՛ր՝


Խորեն արքեպիսկոպոս

Գերագույն Հոգևոր Խորհրդի անդամ

12-ը օգոստոսի 1929 թ.

Մայր Աթոռ»:

1932 թ. նոյեմբերի 10-ին Էջմիածնում գումարվելիք Ազգային-եկեղեցական ժողովին մասնակցելու համար տեղակալ խորեն սրբազանը հունիսի 22-ին պաշտոնական գրությամբ հրավերներ է ուղարկում Կիլիկիո Ս. Սահակ և Բաբկեմ աթոռակից Կաթողիկոսներին։ Ս. Սահակ Հայրապետի հրահանգով իր աթոռակիցը այդ ժողովին պետք է մերկայացներ Մեծի Տանն Կիլիկիո Կաթողիկոսին, սակայն ժամանակը և քաղաքական պայմանները թույլ չտվեցին Բաբկեմ Կաթողիկոսին մերկա գտնվելու Էջմիածնում։ Այդ ժողովին Կիլիկյան



Խորհուրդ Ա Մաղադաղի տաճարում մի խումբ հոգևորականների հետ (մեջքի շարքից աջից 3-րդը)

Աթոռը ներկայացնելու պատիվը վերապահվում է խորեմ արքեպիսկոպոսին: 1932 թ. Ազգային-եկեղեցական ժողովում խորեմ արքեպիսկոպոս Մուրադբեկյանի ընտրությունը որպես Ամենայն Հայոց Կաթողիկոս, ջերմորեն է ընդունվում Ս. Սահակ և Տ. Բաբկեն Կաթողիկոսների կողմից: Ի պատասխան շնորհավորանքների, նորընտիր խորեմ Կաթողիկոսը 1932 թ. դեկտեմբերի 30-ին երկու Կաթողիկոսներից հասցեագրած իր ողջույնի խոսքում գրում է. «Տաճն Կիլիկիո Կաթողիկոսական և Երուսաղեմի ու Կ. Պոլսո Պատրիարքական Աթոռները առ այսօր մեծ դեր ունեն կատարելու ի սկիզբու աշխարհի տարածված հայ ժողովրդին իր Մալոնեի Եկեղեցու ծոցում պահպանելու և Հայ Եկեղեցու վերակենդանացման ու զորացման աջակցելու առաքնարժեք գործում»:

Հոգիս հրճվում է և գորանում՝ տեսնելով հիշյալ Աթոռների և Մայր Աթոռի սիրո շաղկապը, որ Մեր օրով անշուշտ առավել պիտի գորանա, որով ծանր լուծս՝ բռնանս բաժանմամբ պիտի թեթևանա և քաղցրանա և հնարավոր դառնա կոչմանս մեծ պարտքը գոնե իվիք՝ ի կատար ածելու:

Մաղթում եմ, որ Տերը երկար կյանք պարգևի Ձեզ, գաղթականության ցուպն առած Այուրիո արյունաքամ ու տանջված հայ ժողովրդի թեկոթները հուսադրելու, մխիթարելու, դաստիարակելու և աճմամբ զորացնելու և Ձեր պատվական Աթոռակցին, իմ սիրելի հոգևոր եղբորս՝ կար և ույծ պարզնելու, իբրև երկրորդ Մովսես ճոց Ավետյաց երկիրը առաջնորդելու, որպեսզի իբրև ազգ ամբողջանանք և հոգևոր-ազգային զորավոր կեդրոն ունենանք ի մխիթարություն Մեր և Ձեր և համայն ազգի¹:

Ի պատասխան խորեմ Ա-ի հիշյալ մասնակի, Տաճն Կիլիկիո Կաթողիկոսները գրում են, որ Մայր Աթոռը վստահ կարող է լինել «Մեր գործակցության և Մեր անվերապահ սիրոյն և նվիրման հանդեպ Ս. Էջմիածնի²»: Էջմիածնի և Կիլիկյան Աթոռի ջերմ սիրո և փոխադարձ նվիրումի անդրադարձն ենք գտնում 1932 թ. «Սիրո» ամսագրի հուլիս ամսվա խմբագրականի մեջ. «...սփոփարար կենտր համերաշխ սիրո, արդարամիտ վերաբերմունքի այն կապն է, որով ահա իրարու հետ կշարունակեն սրտակցած մնալ և երևի ընդհանրական Հայրապետության Մայր Աթոռը և Տաճն Կիլիկիո Կաթողիկոսությունը³»:

Խորեմ Ա Կաթողիկոսն իր հայրապետական անդրամիկ կոմիսկում առանձնահատուկ սիրալիրությամբ է ողջունում Ս. Սահակ և Տ. Բաբկեն Կաթողիկոսներին: Անդրադառնալով Սիրիայում և Լիբանանում ապաստան գտած հայ ժողովրդի գաղթական զավակներին՝ գրում է. «Հաճութեամբ տեղեակ եմք զբազմազան վաստակոց և աշխատանաց Ձերոց ի վերակազմութիւն Կաթողիկոսարանիդ, ի քաջումն դպրոցաց և Աստուածահաճոյ հաստատութեանց առ Ձեզ և յամենայն քաղաքս և յաւանս, ուր բնակեալ և դադարեալ կան ազգայինք Մեր: Ուրախ եմք յոյժ ընդ վաստակ և ընդ յաջողութիւն Ձեր, զոր իմ իսկ սեպհական համարիմ»:

Անթիլիաս ուղարկված Հայրապետական անդրամիկ կոմիսկները Բաբկեն Կաթողիկոսի հրահանգով ընթերցվում են իրենց հոգևոր իշխանության ներքո գտնվող եկեղեցիներում: Հայրապետական անդրամիկ կոմիսկի առիթով Բաբկեն Կաթողիկոսը «Հասկ» ամսագրում «Էջմիածին-Անթիլիաս» հոդվածի մեջ գրում է. «Այլևս զատ-զատ Աթոռներ չկան Հայաստանյայց Եկեղեցւո մեջ: Մի է Հայաստանյայց Եկեղեցին, մի է Հայոց Կաթողիկոսությունը, և Կաթողիկոսները գործակիցներ են իրարու, ինչպես որ մի է քահանայությունը կամ եպիսկոպո-

¹ «Հասկ», 1933, փետրվար, էջ 9:

² Նույն տեղում, էջ 11:

³ «Սիրո», 1932 թ., հուլիս, էջ 1:

ստությունը, թեև բազում քաճառներ կամ նախնկոպոսներ կան. մույնպես ալ մի է Հայաստանյայց Եկեղեցւոյ Կաթողիկոսությունը, թեև Կաթողիկոսական երկու Աթոռներ կան: Աստեղ գործակիցներ են իրարու և ոչ հակառակորդներ: Վերջապես ստոր համար է, որ Ն. Ս. Օծուխան առաջին կոնդակը հանդիսակորապես և հրճվանցով կարդացվեցավ Կիլիկիոյ Կաթողիկոսական թեմերու եկեղեցիներու մեջ: Էջմիածնի և Կիլիկիոյ Կաթողիկոսության պատմության մեջ նախընթաց չունի այս դեպքը⁴:

Էջմիածնի և մվիրապետական մյուս Աթոռների միջև համագործակցության կապը կենդանի և գործոմ պահելու նպատակով էր մահ արտասահման մեկնում Հայրապետական լիազոր ներկայացուցիչ Գարեգին արքեպիսկոպոս Հովսեփյանը: Նա հրահանգ ուներ Խորեն Ա Վեհափառ Հայրապետից՝ այցելելու մահ Ամթիլիաս և իր ողջույնն ու սերը փոխանցելու Տ. Սահակ և Տ. Բաբկեն Կաթողիկոսներին: Կաթողիկոսական մվիրակը Ամթիլիաս է հասնում 1935 թ. դեկտեմբերի 9-ին: Այստեղ մահ առածին տեսակցություններ է ունենում երկու Կաթողիկոսների հետ: Պատվիրակի և Բաբկեն Կաթողիկոսի միջև տեղի ունեցած առանձնագրույցներից մեկի ընթացքում Աթոռակիցը հայտարարում է, թե. «...Կիլիկիոյ Աթոռը կպահպի Էջմիածնի Աթոռին համար և իր թուրք նախնկոպոսներով հավատարիմ է և այր Աթոռին»:

Գարեգին արքեպիսկոպոսի և Բաբկեն Աթոռակցի միջև տեղի ունեցած մեկ ուրիշ գրույցի ընթացքում հարց է ծագում, թե իմչո՞ւ Հայրապետների ամուսնները փոխադարձաբար չեն հիշատակվում Ամթիլիասի և Էջմիածնի թեմերի եկեղեցիներում: Այս գաղափարը հավանության է արժանանում թե՛ Աթոռակցի և թե՛ պատվիրակի կողմից: Բաբկեն Կաթողիկոսն այս գրույցի ընթացքում հայտնում է իր պատրաստական վերաբերմունքը՝ Մայր Աթոռի համար միաբաններ պատրաստելու վերաբերյալ⁵:

1936 թ. մարտի 29-ին, Կիրակի օրը, Ամթիլիասում, ձեռամբ Բաբկեն Աթոռակցի, կատարվում է մյուտուոթոթներ: Կաթողիկոսը նոր օրհնված Մյուտոթին խառնում է Ս. Էջմիածնից բերված մի քանի Կաթողիկոսների կողմից օրհնված պատմական Մյուտոթները՝ ցույց տալու համար, թե «մի է Հայաստանյայց Եկեղեցւոյ մվիրապետությունը»: Նոր օրհնված Սրբալույս Մյուտոթից Աթոռակիցը մվեր է ուղարկում Խորեն Ա Կաթողիկոսին՝ «իրեն նշանակ եղբայրության, սիրո և համերաշխության մվիրապետական Աթոռներու»:

Մյուտոթօրհնեցի հանդիսավոր արարողությունից չորս ամիս հետո, հուլիսի 9-ին, վախճանվում է Աթոռակից Կաթողիկոսը: Խորեն Ա Վեհափառ Հայրապետը սգում է՝ իր Օծակցի մահվան լուրն առնելով: Նույ՛մ 1936 թ. հուլիսի 20-ին Սահակ Հայրապետը Կաթողիկոսական ընդհանուր փոխանորդի պաշտոնում նշանակում է Կիպրոսի առաջնորդ Տ. Պետրոս արքեպիսկոպոս Սարաճյանին: 1937 թ. «Սիոն» ամսագրի հունիս ամսի խմբագրականում գրվում է, որ արտասահմանում որոշ ածիմեջ այն կարծիքին են, որ Էջմիածինը, գտնվելով դժվար պայմանների մեջ և լրիվ կերպով չկարողանալով գործադրել իր հոգևոր իշխանությունը, առաջարկում է ինչ-որ չափով թեթևացնել Էջմիածնի վրա ծանրացող պարտականությունները ի նպաստ Կիլիկյան Աթոռի՝ վերջինին տալով Մայր Աթոռի փոխանորդության տիտղոս: Խմբագրականում հոդվածագիրն ավելացնում է, որ այդպիսի մտածում երբեք հող չի գտել Ամթիլիասում: Նման գաղափար չի հղացվել մահ հոգեւոյս Բաբկեն Կաթողիկոսի կողմից: Բաբկեն Կաթողիկոսը մույն հարգանքն ու կենցաղն է հանդես Ընդհանրական Հայրապետությունը ցուցաբերել է մույնիսկ

⁴ «Հասկ», 1933 թ., նոյեմբեր, էջ 57:

⁵ Թորգոմ Վեհապետյան «Իրաւ հոգեւորականը», 1987. Բեյրութ, էջ 158:

այն ժամանակ, երբ մի խումբ ամերիկացիներ դիմեցին իրեն, որ Աստվածաշնչի 1500-ամյա համահյուսությունների կազմակերպումը ստանձնի ինքը: Այս հարցի կապակցությամբ Կաթողիկոսը պատասխանում է. «Մայր Աթոռոս պատկանալի գործ է»: Հողվածագիրը, շարունակելով, գրում է. «Ծառ ավելի լավ ճանաչել ենք այն պարկեշտությունը, որով, ինչպես բուն Աթոռակալ Սահակ վեհր և Աթոռակից ողբացալ Բաբկեն Կաթողիկոսը թե ինչպիսի հարգանք են տածել դեպի Ս. Էջմիածինը, ոչ մի ժամանակ երբեք չխորհելով ոտնձգության մասին դեպի Ընդհանրական Հայրապետությունը, որն է ձևով կամ հանգամանքով»:

Նույն է հողվածի հեղինակի կարծիքը Մայր Աթոռի մասին. «Ընդհանրական Մայր Աթոռը չի դժգոհիր, երբ Կիլիկյան մասնավոր Կաթողիկոսության Աթոռին հանդեպ ամենքս ցույց տանք շեղման համակրանք և քաջալերական անվերապահ վերաբերմունք անոր զարգացման և գորացումին համար»:

1937 թ. կահիրեաբնակ Կ. Պոլսեցի տեր և տիկին Սիմոն և Մաթիլդ Գալլըզյանների նյութական օժանդակությամբ գնվում է Ամթիլիասի Կաթողիկոսաարանի կալվածը, որպես եկեղեցու և ազգի սեփականություն: Ամթիլիասի կալվածների գնման լուրը մեծ ուրախություն է պատճառում խորեն Կաթողիկոսին: Այդ առիթով Ամենայն Հայոց Կաթողիկոսը Մեծի Տանն Կիլիկիո Կաթողիկոսության Ընդհանուր փոխանորդ Տ. Պետրոս արքեպիսկոպոս Սարաճյանին գրում է հետևյալը. «Ամհունապես ուրախ ենք, որ շնորհիվ այդ նվիրատվության ոչ միայն պիտի փարատվի ծերունագարդ Տ. Սահակ Կաթողիկոսի մտահոգությունն ու միախառն ճրան, այլ և Տանն Կիլիկիո տարիներ տարագիր և աստանդական Կաթողիկոսական Աթոռը հաստատություն պիտի գտնե և՛ մերքնապես, և՛ արտաքնապես գործառնալու ուղին պիտի բռնե»:

Բարերարների այդ գովության արժանի ձեռնարկը, ազատելով Ծնորհագարդ Հայրապետին, Գերաշնորհությանդ և՛ Նորա, և՛ Ձեր բոլոր աջակիցներին որոշ հոգսերից, պիտի մեծ հնարավորություն տա կեդրոնացնելու ուշադրությունը դպրոցի, գրականության և եկեղեցական կյանքի զորացման և զարգացման վրա, որոնք այժման կարևոր են տեղվույդ հայ հատվածի ազգային ինքնուրույնության պահպանման և զարգացման համար:

Մաղթում ենք, որ Բարձրալը զորավիզ լինի ծերունագարդ Հայրապետին և Ձեր բոլոր աջակիցներին, շարունակելու իրենց մեղվաջան և օգտավետ գործունեությունը, հօգուտ շինության և բարգավաճման Տանն Կիլիկիո Կաթողիկոսության:

Հայտնում ենք նաև Գերաշնորհությանդ, որ բարերար Գալլըզյան ամուսիններից օրհնության կոնդակ ենք ուղարկել Գահիրեի Եգիպտոսի թեմի Առաջնորդական փոխանորդ Գեր. Տ. Մամբրե եպիսկոպոսի միջոցով:

Հայրական սիրով և Հայրապետական օրհնությամբ

Աղոթարար
Խորեն Կաթողիկոս Ամենայն Հայոց

Կմրք

թ. 480

3 սեպտեմբերի 1937 թ.

Ս. Էջմիածին⁶»:

⁶ «Սիոն», 1937 թ., հունիս, էջ 165:

⁷ «Հասկ», սեպտեմբեր-հոկտեմբեր, էջ 121:

Երուսաղեմի Աթոռ

1930 թ. ապրիլի 27-ին, Երուսաղեմի հայոց Նդիշե Սրբազան Պատրիարքի մահից հետո, դժվարություններ ստեղծվեցին մոր Պատրիարքի ընտրության հարցում հատուկ կանոնադրություն չլիներ պատճառով: Երուսաղեմի երջանկահիշատակ Նդիշե Սրբազան Պատրիարքի ընտրությունը կատարվել էր Կ. Պոլսում 1921 թ., համաձայն Ազգային սահմանադրության: Սակայն 1917 թ. Երուսաղեմն արդեն գտնվում էր ամզլիական տիրապետության տակ, ուստի և Ազգային սահմանադրությունն իր օրենքները չէր կարող տարածել Երուսաղեմի վրա: Անորոշ վիճակի մատնված պատրիարքական ընտրությունը քննության մյուս է դառնում ազգային եկեղեցական իշխանությունների և հայ մասնակի համար: Ո՞վ պետք է ընտրի Երուսաղեմի մոր Պատրիարքին, ա՞զգը, թե՞ մի բոլոր միաքանություն: Այս հարցն էր, որ մնում էր ամլուծելի: 1930 թ. մայիսի 5-ին միաքանական ընդհանուր ժողովում պատրիարքական տեղապահ ընտրված Ս. Հակոբյանց վանքի լուսարարապետ Տ. Մեսրոպ եպիսկոպոս Նշամյանի գլխավորությամբ հունիսի 19-ին տեղի ունեցած միաքանական ընդհանուր ժողովը ձեռնարկում է պատրիարքական ընտրության մախապատրաստական աշխատանքները: Ժողովը փոփոխության է ենթարկում Երուսաղեմի Պատրիարքի ընտրության վերաբերյալ Ազգային սահմանադրության 4 հոդված: Այդ փոփոխված հոդվածների համաձայն, Երուսաղեմի Պատրիարքի մահվանից հետո, միաքանությունից պետք է ընտրվի տեղապահ: Պատրիարք հոր մահից 40 օր հետո տեղապահի կողմից հրավիրված միստոն գաղտնի քվեարկությամբ պետք է առաջադրվեն հինգ թեկնածու: Եվ միաքանական ընդհանուր ժողովը այս հինգ թեկնածուից առավել արժանավորին պետք է բազմեցնի պատրիարքական զահին: Հունիսի 19-ի ժողովը, Սկատի ունենալով մաս այն փաստը, որ ամեն կողմից ցանկություն է հայտնվում, որ պատրիարքական ընտրության մեջ ազգի ծայրը լինի, նպատակահարմար է գտնում մոր Պատրիարքի ընտրությունը ենթարկել Ամենայն Հայոց Կաթողիկոսի վավերացմանը: Սակայն այս որոշումը մերժվում է ամզլիական կառավարության կողմից: Համաձայն մոր կանոնադրության, 1931 թ. հունիսի 16-ի միաքանական ընդհանուր ժողովը Երուսաղեմի Պատրիարք է ընտրում Եգիպտոսի հայոց թեմի առաջնորդ Թորգոմ արքեպիսկոպոս Գուշակյանին: Նորընտիր Պատրիարքին 1931 թ. օգոստոսի 4-ի 238 գրությամբ իր ջնորհավորանքներն է բերում Ամենայն Հայոց Կաթողիկոսի տեղակալ Տ. Խորեն արքեպիսկոպոսը: Սույն գրության մեջ տեղակալ սրբազանը շեշտում է, որ Տ. Թորգոմ Պատրիարքը «*ըստ ամենայնի կարդարացնի Մեր և ընտրողների հույսերն ու օգտակար գործունեությունը նվիրաբերելով հայության նվիրական սրբավայր Երուսաղեմի Ս. Հակոբյանց ուխտի քարոյական և նյութական քարզավաճմանը*»:

Խորեն սրբազանն իր մեկ ուրիշ՝ օգոստոսի 12-ի թիվ 250 նամակում, ուղղված Թորգոմ Պատրիարքին, գրում է, որ «*այս անգամվա պատրիարքական ընտրությունը, ըստ ձևի, սահմանափակ էր, պակասում էր ազգի ծայրը, ազգային երեսփոխանական ժողովի մասնակցությունն ու որոշումը: Հանգամանքների և ստեղծված պայմանների հետևանքով, միաքանությունն է միայն, որ յուրովի*

կատարել է ընտրությունը, սակայն նույն միաբանությունը հետատեսությունում է ունեցել խորապես գիտակցելու այդ հանգամանքը և յուր քվեները կենտրոնացրել է ալմապիսի մեկի վրա, որին անապամանորեն միաձայնությանը կընտրեր ազգի ընտրյալ մերկայացուցիչներից կազմված հեղինակավոր ազգային-եկեղեցական ժողովը⁹։

Պատրիարքական գահ բարձրանալով՝ Թորգոմ արքեպիսկոպոսը 1931 թ. Կղեկտեմբեր թվակիր մասնակով Մայր Աթոռին տեղեկացնում է պետության կողմից իր ընտրության հաստատման մասին՝ միաժամանակ հավաստելով մահ իր սերն ու մվիրումը Ամենայն Հայոց Ընդհանրական Հայրապետության հանդեպ։ Իսկապես, որ Թորգոմ Պատրիարք Գուջակյանն իր գահակալության տարիների ընթացքում հարգանք ու հավատարմություն ցուցաբերեց հանդեպ Մայր Աթոռն ու Ամենայն Հայոց Կաթողիկոսը։ Բարեխղճությամբ ու սրտացավորեն կատարեց Ամենայն Հայոց Կաթողիկոսի կողմից իր վրա դրված պարտականությունները։ 1934 թ. խորեն Ա. Կաթողիկոսը մրան է համձնարարում Աստվածաշնչի 1500-ամյակի հոբելյանական հանդիսությունների ղեկավարումն ու կազմակերպումը, իսկ 1937 թ. Հայրապետական կոնդակով մշանակվում է Հայ Եկեղեցու բարեկարգության վերաբերյալ Սփյուռքի հայության կարծիքներն ու մկատառումները Մայր Աթոռ հաղորդելու պատասխանատու պաշտոնին։ Երուսաղեմի արժանընտիր գահակալը հարգանք ու սեր մերշնչեց սփյուռքահայերի մեջ՝ վեհափառ Հայրապետի հրահանգով գաղութահայությանը այցելությանը ելած Հայրապետական պատվիրակի անձի ու գործի մկատմամբ. «Պետք է լռեն կիրքերը, պետք է ամենն ալելի և քուր կողմերուն վրա իշխե գիշողության ոգին։ Պետք է ամենքը քուրվին Մայր Աթոռի Առաքյալին ջուրք և լսեն անոր խաղաղության խորհուրդները... Նվիրակը պետք է երգը իր շրթունքին վերադառնա Հայաստան, ի Ս. Էջմիածին, Ամենայն Հայոց Սրբազնագույն Հայրապետին հաղորդելու համար Սփյուռքի հայությանն որդիական համբույրն ու հարգանքը¹⁰»։

Բազմաթիվ և բազմատեսակ են Թորգոմ Պատրիարք Գուջակյանի գործնական մախանդությունները հոգուտ Էջմիածնի և Ընդհանրական Հայրապետության։ Այդ մասին է վկայում «Սիոն» ամսագրում տպագրված մրա ճառի հետևյալ տողերը. «Ուրախ ենք, որ այս առթիվ Մեր թեմական ամբողջ ժողովուրդը, որ Պատվական Միաբանությանդ հետ արդեն չորս տարիներ է վեր սիրով կհատուցանե «Լուսավորչի Լուսյա»-ի կարևոր տուրքը, այս անգամ ևս մեծ եռանդով մասնակցեցավ Ս. Էջմիածնի տաճարի նորոգության հանգանակության, ջերմորեն տպավորված՝ Նորին Սրբազնության սրտաշարժ կոչերեն¹¹»։

Պատրիարք Հայրը ոչ միայն իր խոսքով, այլև գործելակերպով ու կեցվածքով փարված մնաց Էջմիածնի անփոխադրելիության և անջարժության գաղափարին։ Իր գահակալության տարիներին Էջմիածնի գերագահության և ամսասանությանն ի նպաստ արժանաբիշատակ տողեր գրվեցին «Սիոն»-ի էջերում. «Հոգևոր վերադիտողության գործը, որ պաշտոնն է Մայր Աթոռ, իր Պատվական Գահակալը ահա կկատարե որքան խոհական՝ նույնքան քաջարթուն կերպով։ Պետք է

⁹ «Սիոն», 1931 թ., էջ 319:

¹⁰ «Սիոն», 1936 թ., հոկտեմբեր:

¹¹ «Սիոն», 1936 թ., հունիս, էջ 163:

շարժել պատվանդանը, այսինքն ժողովուրդին ամխախտ սիրուն գրավականը դեպի Լուսավորչի նվիրական գահը որևէ չափով, որևէ կերպով¹²։

1936 թ. Թորգոմ Պատրիարք Գուշակյանի գործունեությունը և վաստակը գնահատվեց խորեմ Ա. Կաթողիկոսի կողմից՝ արժանացնելով մրան Գրիգոր Լուսավորչի առաջին կարգի ակամակուտ խաչի։

4. Պոլսի Աթոռ

Մեր ուսումնասիրությունների ընթացքում թեև քիչ փաստաթղթերի հանդիպեցինք, որոնք կարող էին լիարժեք ու համակողմանի տեղեկություններ տալ ու լուսաբանել 1932-1938 թթ. խորեմ Ա. Կաթողիկոսի օրոք Ընդհանրական Հայրապետության Մայր Աթոռ Ս. Էջմիածնի և Կ. Պոլսի Աթոռի հարաբերությունների մասին, սակայն Նորին Արքայան և Ամենապատիվ Պատրիարք Արքագան Հոր միջև մամականազրական կապերը և բազմաթիվ արխիվային վավերագրերից ու պարբերական մամուլից ունեցած մեր ընդհանուր տեղեկությունները վկայում են, որ երկու Աթոռների կապը բարեկամական է եղել։

1932 թ. Ազգային-եկեղեցական ժողովին մասնակցելու համար մյուս Աթոռների հետ միասին տեղակալ խորեմ արքեպիսկոպոսը հատուկ հրավեր է ուղարկում ման Կ. Պոլսի Հայոց Մեսրոպ Պատրիարքին։ 1934 թ. Հայրապետական պատվիրակ Գարեգին արքեպիսկոպոսը հատուկ հրահանգ ունեւ Կաթողիկոսից՝ այցելելու ման պոլսահայությանը, իսկ Աստվածաշնչի 1500-ամյա հոբելյանական հանդիսակատարությունների առթիվ խորեմ Ա. Կաթողիկոսն իր կոմդակում Երուսաղեմի Թորգոմ Պատրիարքին պատվիրում է կազմվելիք հանձնաժողովի մեք ընդգրկել ման Կ. Պոլսի պատրիարքության ձերկայացուցչին։

Խորեմ Ա. Կաթողիկոսն իր հայրապետության վեք տարվա ընթացքում տարբեր առիթներով գրած իր կոմդակներում, ի թիվս մյուս Աթոռների, մշտապես հիշել է ման Կ. Պոլսի Աթոռը։ Պոլսում լույս տեսնող «Հայ խօսմակ» ամսագիրը, անդրադառնալով խորեմ Ա. Կաթողիկոսի օրոք Էջմիածնի հարաբերություններին մյուս Աթոռների հետ, գրում է. «Ն. Ս. Օծությունը սիրալիր հարաբերությունների մեք եղավ Հայ Եկեղեցու մյուս Աթոռների հետ¹³»։ Իսկ Էջմիածնի և Կ. Պոլսի Աթոռների միջև բարեկամական կապի ապացույցն է այն, որ խորեմ Կաթողիկոսը լանջախաչ կրելու Հայրապետական տվչության իրավունքը վստահեք Կ. Պոլսի Մեսրոպ Արքագան Պատրիարքին¹⁴։



¹² «Սիրոմ», 1937 թ., հունիս, էք 165-169։

¹³ «Հայ խօսմակ», 1938 թ., մայիս, էք 9։

¹⁴ Նույն տեղում։